

Wakaf daripada sumber haram

SAYA dan pihak jawatankuasa surau melakukan kutipan wakaf untuk memperbesarkan surau. Ramai menyumbang termasuk seorang individu mewakafkan sejumlah wang yang banyak.

Apabila surau itu siap, ada jemaah menyatakan bahawa duit pembinaan surau itu adalah duit haram. Ini kerana ada individu dipercayai mengeluarkan wakaf dengan duit judi.

Soaljawab agama

Bersama DR. MOHAMMAD NIDZAM ABDUL KADIR AL-JARUMI

Pensyarah di Fakulti Ekologi Manusia, Universiti Putra Malaysia dan pendakwah bebas. Kemusykilan boleh diajukan ke nidium@yahoo.com



Adakah pihak surau berdosa kerana menerima duit haram?

JAWAPAN: Keharaman duit tidak sama dengan keharaman haiwan yang haram dimakan.

Contohnya daging harimau.

Ia tetap haram dimakan walaupun diberi hadiah daging harimau.

Ini kerana zatnya tetap daging halal.

Adapun duit, ia berkaitan dengan isu bagaimana duit itu diperoleh.

Jika duit didapati dengan cara judi, curi, rasuah dan seumpamanya maka duit itu adalah haram.

Sebaliknya jika duit itu didapati dengan cara sedekah, hadiah, derma dan wakaf, maka duit itu adalah halal bagi pihak yang diberikan hadiah.

Dalam isu pembinaan surau, duit wakaf diberikan oleh masyarakat.

Ada yang berwakaf dengan

memasukkan duit dalam tabung wakaf, ada pula menyumbang secara dalam talian (*bank in*) dan pelbagai kaedah lain.

Pihak jawatankuasa tidak perlu bertanya dari mana duit tersebut kerana ia diberikan melalui wakaf.

Maka, pembinaan surau itu adalah dengan duit yang halal. Ini kerana duit itu diberikan melalui kaedah wakaf.

Adapun dosa, maka ia adalah hal berkaitan insan yang terlibat dengan judi tersebut.

Status 'dibinkan' bapa angkat

SEORANG lelaki dipelihara oleh keluarga angkat sejak dari kecil dan dibinkan kepada bapa angkatnya.

Apabila lelaki ini dewasa, bekerja dan berkahwin perlukah dia menukar nama bapa angkatnya kepada bapa kandung atau kepada bin Abdullah?

JAWAPAN: Membinkan seseorang anak kepada bukan bapa kandungnya adalah satu kesalahan dalam agama. Ia berdosa.

Namun, lelaki ini tidak melakukan perbuatan tersebut. Adapun yang melakukannya ialah bapa angkatnya.

Kemungkinan bapa angkatnya tidak mengetahui


keharaman perkara tersebut.

Dalam hal ini, saya berpendapat bahawa tidak perlu pertukaran secara rasmi nama bapa angkat kepada bapa kandung jika wujud pelbagai masalah.

Contohnya masalah sijil sekolah, sijil akademik universiti, masalah pekerjaan dan sebagainya.



Bukan Muslim pakai songkok



HARUSKAH songkok dipakai oleh orang bukan beragama Islam?

JAWAPAN: Saya berpendapat bahawa songkok bukanlah pakaian khusus bagi Muslim.

Maka, sesiapa sahaja berhak untuk memakai songkok.

Hukum solat jenazah sendirian

HARUSKAH solat jenazah dilakukan secara sendirian?

JAWAPAN: Tidak menjadi

syarat sah solat jenazah perlu dilakukan secara berjemaah.

Oleh itu, solat jenazah secara sendirian adalah sah.